

Caput ab antico visum pronoto saltem $\frac{1}{4}$ (σ^7) vel $\frac{1}{6}$ (φ) brevius, vertice oculo fere $\frac{2}{3}$ (σ^7) vel fere duplo (φ) latiore. Antennae articulo secundo margini basali pronoti aequae longo, tertio secundo parum magis quam $\frac{1}{6}$ brevior, quarto tertio paullo minus quam $\frac{2}{3}$ brevior. Pronotum latitudine basali paullo magis quam $\frac{2}{5}$ brevius. Pedes nigro-pubescentes. Terebra feminae medium ventris paullo superans.

12. *Oncotylus fuscicornis* n. sp.

Pallide virescens, superne pilis nigris faciliter divellendis, hemielytrorum retrorsum divergentibus et e punctis minutissimis fusciscentibus nascentibus; antennis maris fuscis, articulo primo sordide virescente, nigro-pubescente, reliquis subtiliter pilosulis, secundo lineari crassiusculo, margine basali pronoti circiter $\frac{1}{3}$ longior, tertio secundo paullo minus quam duplo brevior; pedibus grisescentibus, nigro-pubescentibus, femoribus innotatis, tibiis punctis destitutis, subtiliter nigro-spinulosis, tarsis fuscis; hemielytris dilute cinerascens, pellucidis, innotatis, membrana hyalina, margine interiore limboque apicali leviter fumatis, vena brachiali fusca, connectente et cubitali pallide flaventibus, stria fusca juxta apicem venae brachialis, macula hyalina inter cuneum et areolam minorem postice stria nigro-fusca terminata et pone hanc macula majore rotundata limbi exterioris ubique fusco-cincta, hoc limbo basim versus obscurius nigricante; capite maris fortiter transverso, oculis magnis, vertice oculo paullo latiore. Long. σ^7 $4\frac{3}{5}$ mm.

Mongolia borealis (Mons Khingan, Louk-Soume), D. Potanin (coll. Semenov).

O. caspico Reut. affinis, differt statura majore, capite fortius transverso, rostro brevior, pronoto magis transverso, lateribus rectis, hemielytris unicoloribus, membrana aliter signata. Caput maris cum oculis basi pronoti paullo magis quam $\frac{1}{4}$ angustius, fortiter nutans, ab antico visum latitudine frontis oculique unici fere paullo brevius, a latere visum altitudini basali aequae longum, clypeo valde nutante, prominente sed a latere viso sat angusto, basi fere in linea intermedia oculorum posita, angulo faciali acutiusculo, gula brevi, subhorizontali.